

ՍԵՐԵՈՍԻ ԵՐԿԸ ՈՐՊԵՍ VII ԴԱՐԻ ՄԵՐՁԱՎՈՐ ԱՐԵՎԵԼՔԻ
ՊԱՏՄՈՒԹՅԱՆ ԱՂՔՅՈՒՐ

Պատմ. գիտ. դպրոց | Ա. Ն. ՏԵՐ-ՂԵՎՈՆՅԱՆ |

Սերեոսի պատմությունը թեև բազում հետազոտությունների առարկա է պարձել, սակայն բանասերների ուշադրությունը հիմնականում սեռված է եղել նրա բնագրի սկզբում կցված Անանունի նախնական պատմությանը (Նախերգանք)։ Սերեոսի բուն պատմությունը ևս ուսումնասիրվել է, սակայն հայագետներին (Ն. Ակինյան¹, Գ. Աբգարյան², Պ. Անանյան³ և այլք) հատկապես գրավել է նրա բնագրի բանասիրական քննությունը։ Սերեոսի պատմական տեղեկությունների քննությունը ինչ-որ չափով կատարվել է ռուսերեն երկու թարգմանությունների (Բ. Պատկանյան⁴, Ս. Մալխասյան⁵), հայերեն բնագրի երեք հրատարակությունների (Բ. Պատկանյան⁶, Ս. Մալխասյան⁷, Գ. Աբգարյան⁸) և ֆրանսերեն թարգմանության (Ֆ. Մակլեր⁹) ծանոթագրությունների մեջ, իսկ Բ. Մ. Միհրդատյանցի¹⁰ հայերեն բնագրի հրատարակությունը ծանոթագրություններ չունի։ Սերեոսի պատմական տեղեկությունների վերլուծման հարցում կարելի է հիշել Հ. Հյուբշմանի կատարած՝ Սերեոսի հակիրճ գերմաներեն թարգմանության¹¹ ծանոթագրությունները և հատկապես Պ. Պետերսի¹² հայտնի հոդվածը (Թեոդորոս Ուտունուն Բեոփանեսի կողմից տրված անվան մասին)։

Սերեոսի պատմությունը բացառիկ աղբյուր է VII դարի պատմության համար, քանզի բյուզանդական պատմագրության մեջ այդ դարը (Թեոփրիակոս Սիմոկատասից, որն իր շարադրանքը հասցրել է մինչև 602, մինչև Բեոփանես խոստովանողը, որն իր ժամանակագրությունը հասցրել է մինչև 813) գրեթե ամլության շրջան է¹³, Ասորական սլաոմագրության մեջ ևս VI դարի բուն դարգացումից հետո (Յոշվա Ստիլիտ, Զաքարիա Հոնտոր, Հովհան Նիհեսացի) հաջորդ դարը նույնպես ամլության շրջան է մինչև Կեղծ Դիոնիսիոս

1 Ն. Ակինյան. Սերեոս եպիսկոպոս Բագրատունյաց և յուր Պատմությունն ի Հերակղ.— «Մատենագրական հետազոտություններ», հ. Բ, Ազգային մատենադարան, ՃԴ, Վիեննա, 1924.

2 Գ. Աբգարյան. Սերեոսի Պատմությունը և Անանունի առեղծվածը. Երևան, 1965.

3 Պ. Անանյան. Սերեոսի Պատմության գրքի մասին քանի մը լուսարանություններ. Վենետիկ, 1972.

4 История императора Иракла, сочинение епископа Себеоса писателя VII века. Перевод с армянского К. Патканяна. С. Петербург, 1862.

5 История епископа Себеоса. Перевел с четвертого исправленного армянского издания Сг. Малхасянц. Ереван, 1939.

6 Պատմութիւն Սերէոսի եպիսկոպոսի ի Հերակլն, ի լոյս էած Բ. Պատկանեան. Ս. Պետերբուրգ, 1879.

7 Սերէոսի եպիսկոպոսի Պատմութիւն. Երևան, 1939.

8 Պատմութիւն Սերէոսի, աշխ. Գ. Աբգարյանի. Երևան, 1979.

9 Histoire d'Heraclius par l'évêque Sebêos, trad. par F. Macler. Paris, 1904.

10 Պատմութիւն Սերէոսի եպիսկոպոսի ի Հերակլն. Կոստանդնուպոլիս, 1851.

11 Zur Geschichte Armeniens und der erster Kriege des Araber. Aus dem Armenischen des Sebeos, H. Hübschmann. Leipzig. 1875.

12 P. Peeters. Παταρχισμός.—Περσισμός.—Byzantion, VIII, f. II, Bruxelles, 1933, p. 405—423.

13 История Византии. I, М., 1967, с. 37; II, с. 9.

Տեղ Մահրազին, որի երկը շարադրված է 775 թ.¹⁴։ Ինչ վերաբերում է արաբական պատմագրությանը, ապա VII դարում, եթե նույնիսկ մանր դոժմեր գրվել են առաջին արշավանքների մասին, ապա նրանց հետքը չազիվ է մնացել։

Սեբեոսի պատմական երկը կարևոր աղբյուր է հատկապես V—VII դդ. պատմության համար, սակայն տվյալ դեպքում մենք կամենում ենք վերլուծել VII դարի դեպքերի մասին տեղեկությունները 40-ական թթ. մինչև 661 թ., որով ավարտվում է Սեբեոսի շարադրանքը, ընդ որում քննության կառնենք միայն այն տեղեկությունները, որոնք ցայտմ բավարար չափով կամ բոլորովին չեն պարզաբանված պատմական ուսումնասիրություններում և Սեբեոսին նվիրված հետազոտությունների մեջ։

Սեբեոսը հիշում է, որ Հերակլ կայսեր մահից հետո թագավորեց որդին՝ Կոստանդինը (որը ծնված էր Հերակլի առաջին կնոջից) և իր զորքի հրամանատար նշանակեց Վաղենտիանոսին, որն Արշակունի էր, հրամայելով¹⁵ նրան զորքով գնալ Արևելք։ Սակայն երբ Կոստանդինի դեմ դավեց Հերակլի երկրորդ կին Մարտինան և նրա փոխարեն թագավորեցրեց իր որդի Նրակլոսին (Հերակլ լեոնաս)՝ ինքը դառնալով խնամակալ, ապա Վաղենտիանոսը զորքով մտավ Կոստանդնուպոլիս և ձերբակալելով Մարտինային, նրա լեզուն կտրել տվեց ու սպանեց նրան ու որդուն և կայսր դարձրեց Կոստանդինի որդի Կոստասին (Կոստանդ)¹⁶։

Այսպես, Սեբեոսի վկայությամբ, Վաղենտիանոսը Կոստանդին կայսեր հրամանով իր զորքով մեկնեց Արևելք, ապա տեղեկանալով Կոստանդնուպոլսում կատարվածի մասին՝ եկավ մայրաքաղաք և այլն։ Հետաքրքրական է, որ բյուզանդագետ Գ. Օստրոգորսկին ընդունելով, որ Վաղենտիանոսը հայ է և Արշակունի, նշում է, որ գալով Կոստանդնուպոլիս նա Հերակլեոնասին ստիպեց իրեն գահակից դարձնել վերահիշյալ Կոստանդինի որդի Կոստանդին, իսկ 641-ի սեպտեմբերին ծերակույտի հրամանով Մարտինան ու Հերակլեոնասը ձերբակալվեցին, Մարտինայի լեզուն կտրեցին և երկուսին էլ քստրեցին Հոռոս կղզին, իսկ Կոստանդը դարձավ կայսր¹⁷։

Ավելի պարզ հասկանալու համար Սեբեոսի այն տեղեկությունը, թե Վաղենտիանոսը զորքով գնաց Արևելք և ապա վերադարձավ Կոստանդնուպոլիս, դիմենք կեղծ Դիոնիսիոս Տելլ Մահրազու երկին. 955 (643—644) տարում հռոմ զորավար Վալենտինոս պատրիկը եկավ կոստանդնուպոլիս դեմ։ Ահաբեկված նրանց ներկայությունից, նա փախավ և թողեց իր հետ ևղած բոլոր հարստությունները, որ ընկան արաբների ձեռքը¹⁸։ Ուրեմն Վաղենտիանոսը գնացել էր Արևելք արաբների դեմ կոստանդնուպոլիս։

Արևելքում Վաղենտիանոսի ունեցած գործունեության մասին ավելի մանրամասն և պարզ տեղեկություններ են տալիս Միքայել Ասորին¹⁹ (XII դար) և Անանուն Եղեսացին²⁰։ Ըստ նրանց, Դավիթ կոչված հայաղգի զորավարը մեծաթիվ զորքով կայսերական քաղաքից (ըստ Անանունի՝ իր երկրից, այսինքն Հայաստանից), իսկ Վալենտինոսը արևմուտքից արշավանքի ելան։ Նրանք պայմանավորվել էին երկու կողմից ջախջախել արաբներին։ Վերջիններս, իմանալով այդ մասին, նախ հարձակվեցին Վալենտինոսի վրա և նրա զորքը ամ-

¹⁴ В. Р а й т. Краткий очерк истории сирийской литературы. СПб., 1902, с. 93—108.

¹⁵ История имп. Иракла (Себеос), пер. Патканяна, с. 124.

¹⁶ Սեբեոս. Երևան, 1979, էջ 140—141։

¹⁷ G. Ostrogorsky. History of the Byzantine State. Oxford, 1969, p. 113—114.
Թևոփանես խոստովանող. Թարգմ. Հ. Բարթիկյանի. Երևան, 1983, էջ 51։

¹⁸ Chronique de Denys de Tell-Mahré, trad. par J. B. Chabot. Paris, 1895, p. 7.

¹⁹ Chronique de Michel le Syrien, trad. par J. B. Chabot. Paris, II, p. 443—444.

²⁰ Н. В. Пигулевская. Византизм и Иран на рубеже VI и VII веков. М.—Л., 1946, с. 287. Անանուն Եղեսացի. Ժամանակագրություն, Թարգմ. Լ. Տեր-Պետրոսյանի. Երևան, 1982, էջ 198—200։

յողջւմին կոտորվեց: Երբ Դավիթը հասավ Միջագետք, տեսավ որ արարներ չկան և կանգ առավ Բեթ-Մադայում (Մարդինից հյուսիս-արևմուտք): Երբ Կերին Միջագետքը նվաճող արաբ զորավար Իյադ իբն Ղանմը լսեց Դավթի արշավանքի մասին, Եկավ Եղբսիա: Դավիթը և ասորի զորավար Տիտոսը իրենց զորքերով նույնպես Եկան Եղբսիա: Սակայն Դավթի և Տիտոսի միջև եղած տարաձայնությունների հետևանքով Դավիթը մենակ կովեց արաբների դեմ և իր ողջ զորքի հետ սրի մատնվեց:

Սերևոսի հայադգի գորավարների՝ Վաղենտիանոսի և Դավթի հարձակումը և պարսկությունը պետք է տեղի ունեցած լիներ, ինչպես Սեբեոսն է վկայում, այն տարում, երբ Կոստանդնուպոլսում քաղաքական պայքար կար, այսինքն 641-ին, Բացի այդ թե՛ Միքայել Ասորին, թե՛ Անանուն Եղեսացին վկայում են, որ Իյադը Եկավ կովելու Դավթի դեմ, մինչդեռ նա, ըստ Բալադուրի²¹, մահացել է հիշքի 20 (640—641) թ.: Ուստի պետք է ընդունել 641 թ.: Բյուզանդական այս հարձակումները պատասխան հարված տալու մի փորձ էին՝ արարների կողմից 639-ին բյուզանդական Վերին Միջագետքը նվաճելուն և 640-ին Հայաստանում կատարած նրանց ասպատակությանը: Հետագայում, ինչպես Սերևոսն է վկայում (ըստ Թեոփանեսի՝ արարչագործության 613Բ, այսինքն 645 թ.) Վաղենտիանոսն ասպատակեց Կոստանդ II-ի դեմ, սակայն սպանվեց²²:

Սերևոսը հիշում է, որ հռոմեացի թագավորության մեջ ներքին երկպառակություններ եղան, և կայսրը պետության գլխավոր մարդկանց ու խորհրդականներին կոտորեց: Սպանվեցին նաև Գեորգ Մագիստրոսը և Մանուելը՝ Վարդապետի Բագրատունու որդի Սմբատի աները²³:

Մանուելը, որը 645-ին 300 նավերով արշավել էր Եգիպտոս²⁴, այդ երկիրը արարներից վերագրավելու, սակայն Ալեքսանդրիան գրավելուց հետո պարտվել էր ու նահանջել, Բ. Պատկանյանի կողմից համարվում է Մամիկոնյան²⁵, իսկ Յ. Մարկվարտը գտնում է, որ նա Արշակունի էր²⁶, Յու. Կուլակովսկին դրում է, որ Մանուելը, Ալեքսանդրիայից վերադառնալով Կոստանդնուպոլիս, որոշ ժամանակ զբաղեցրել է զորքի մագիստրոսի պաշտոնը, ապա խառնվելով պալատական մուրթ սադրանքներին՝ ներքաշվել է կայսեր դեմ դավադրության մեջ, սակայն Սմբատը նրան ձերբակալելով հանձնել է կայսրին, որը մահապատժի է ենթարկել նրան մոտավորապես 648-ին²⁷: Սակայն ինչպես կտեսնենք Սմբատը չէր որ Մանուելին հանձնեց կայսրին:

Սեբեոսի մոտ հետևյալն է պատմվում. «Սպանեցին նաև Գեորգ Մագիստրոսին և Մանուելին, առաքինի մարդուն, որը մեծն Սմբատ խոսքով Շումի կոչեցյալի որդուն՝ Վարադապետի որդի Սմբատ ասպետի անունն էր: Որի (Մանուելի) մասին ոմանք ասել էին, թե գիշերը նրա սպանման վայրում վառված ճրագներ են տեսել: Սմբատին արտորեցին, քանզի այդ դեպքերից հետո նրա զորքերը նրան ստիպեցին ապստամբել: Իսկ նրա մասին ասացին թագավորին, թե իրը նա ասում էր, թե պետք է Մագիստրոսի արյան վրեժը լուծել:

Մագիստրոսը այդ կողմերի զորքի իշխանն էր և սիրելի բոլոր զորքերին: Սմբատը թրակացվոց իշխանների զորքի իշխանն (հրամանատար) էր, իսկ Մանուելը Կոստանդնուպոլսում մագիստրոսի պաշտոնն էր զբաղեցնում:

²¹ Liber expugnationis regionum auctore al Beladsori, ed. M. J. de Goeje. Lugd. Bat., 1866, p. 176.

²² Սերևոս, էջ 143: Թեոփանես, էջ 52:

²³ Սերևոս, էջ 162:

²⁴ Ph. Hitti. History of the Arabs. London, 1958, p. 166.

²⁵ Себеос. пер. Патканяна, с. 212. прим. 215.

²⁶ Յ. Մարկվարտ. Հայ Բագրատունյաց հյուղագրությունը. Վիեննա, 1913, էջ 10:

²⁷ Ю. Кулаковский. История Византии. Киев, 1915, III, с. 194. См. также Ю. Մարկվարտ. նշվ. աշխ., էջ 10:

Թագավորը չհամարձակվեց Մագիստրոսին բացեիքաց (համարձակապէս) իր մոտ կանչել, վախենալով զորքի ապստամբութիւնից, այլ Սմբատ ասպետին իր մոտ կանչեց և տերունական խաշով, որն իր վրա էր կրում, երգվել տվեց, որ ոչ ոքի ոչինչ չհայտնի և նրան արձակեց իր զորքի մոտ, որ քաղցրութեամբ (խաղաղութեամբ) խոսի Մագիստրոսի հետ և խաբեութեամբ բերի իր մոտ: Սակայն նա գնալով շկարողացավ խաբել նրան, մանավանդ որ նա (Մագիստրոսը) արդեն գիտեր (նրա համար գաղտնիք չէր) այդ բանը: Ապա (Սմբատը) խոսեց զորքի բոլոր իշխանների (հրամանատարներ) հետ և ցույց տվեց արքունի հրամանը: Իսկ նրանք և ամբողջ զորքը, շկարողանալով ընդդիմանալ արքունի հրամանին, նրան (Մագիստրոսին) հանձնեցին նրանց (իշխանութիւնների)՝ ձեռքը, որ նրան կապելով տարան Թագավորի առջև: Դրա համար թրակացվոց իշխանների զորքը նրա (Սմբատի) մահը ցանկացան և նրա մասին ասացին, որ նա էր ապստամբութիւնը հղացել և պետք է մեռնի: Սակայն արքան խնայեց նրան ու նրանցից հեռացնելով փրկեց²⁸:

Այս ամենը կարելի է հետևյալ ձևով վերապատմել.

Գեորգ Մագիստրոսը, որը զորքի հրամանատար էր, և Մանուելը, որը նույնպես մագիստրոսի պաշտոն էր զբաղեցնում, Կոստանդ 11-ից դժգոհ լինելով որոշեցին մասնակցել նրա դեմ կազմակերպված դավադրութեան: Կայսրը, իմանալով նրանց մտադրութեան մասին, համենայն դեպս չհամարձակվեց բացահայտորեն իր մոտ կանչել Գեորգ Մագիստրոսին՝ վախենալով զորքի ապստամբութիւնից և որոշեց օգտագործել Սմբատ Բագրատունուն (որը թրակակա՛ն զորքի հրամանատարն էր) և երգվել տալով նրան՝ հանձնարարեց Գեորգ Մագիստրոսին խաբեութեամբ իր մոտ բերել: Սակայն երբ Սմբատն իմացավ, որ Գեորգը տեղյակ է կայսեր մտադրութեանը, ապա արքունի հրամանը երևան հանեց, իսկ նրա զորքը, հնազանդվելով կայսեր հրամանին, բռնեց Գեորգ Մագիստրոսին և հանձնեց Կոստանդ 11-ին: Գեորգ Մագիստրոսը, ինչպես նաև Մանուելը, որը նույնպես ձերբակալված էր, մահվան դատապարտվեցին: Սմբատ Բագրատունուն զորքը նրան մեղադրեց կայսեր մոտ, թե նա կոչ է արել Գեորգ Մագիստրոսի վրեժը լուծելու: Սակայն կայսրը խնայելով նրան՝ միայն աքսորեց²⁹:

Այլ պատմիչների երկերում Գեորգ Մագիստրոսի մասին լրացուցիչ տեղեկութիւններ չկան, սակայն Մանուելի վերաբերյալ կան բավական վկայութիւններ: Ըստ Թեոփանեսի³⁰, երբ Ալեքսանդրիայի պատրիարք (միաժամանակ կառավարիչ) Կյուրոսը պարտավորվեց խալիֆայութեանը տարեկան 12 բյուր դինար (ոսկեդրամ) վճարել, Հերակլ կայսրը «զայրացած նրան կանչեց, իսկ ավզուտալիոս նշանակեց հայազգի ոման Մանուելի: Երբ ժամանակը լրացավ, սարակինոսների գործակալներն եկան ոսկին ստանալու, բայց Մանուելը նրանց ձեռնունայն դուրս հանեց, ասելով. «Ես անգին Կյուրոսը չեմ, որ ձեզ հարկ վճարեմ: Ես զինված եմ»: Հենց որ սրանք հեռացան, սարակինոսները Եգիպտոսի վրա հարձակվեցին, Մանուելին մարտ տվեցին և փախուստի մասնեցին: Նա մի քանի հոգով փրկվեց Ալեքսանդրիայում³¹:

Միքայել Ասորի³¹ և Անանուն Եղեմացի³² գրեթե նույնութեամբ կրկնում են Թեոփանեսին:

Խալիֆա իբն Խայյաթը³³ հիշրի 25 (28 հոկտեմբեր 645—16 հոկտեմբեր 646) թ. հիշում է. «Այդ տարում Ռումի թագավորը ներքինի Մանուելին նա-վերով ուղարկեց Ալեքսանդրիա, որի բնակչութիւնն ապստամբել էր, բացի

²⁸ Ս ե բ ե ո ս, էջ 161—163.

²⁹ Նույն տեղում, էջ 342, ծան. 602.

³⁰ Թ ե ո փ ա ն է ս, էջ 47.

³¹ Michel le Syrien, II, p. 425.

³² Ա ն ա ն ու ն Եղեմացի, էջ 198.

³³ Khalifa Ibn Khayyat. Tarikh. Damas—Beyrouth, 1977, p. 158.

Մուկաուկիսից (պատրիարքից)։ Ամրու իրն ալ-Ասը 25 թվականի Ռաբի Ա ամսին (26 դեկտեմբեր 645—24 հունվար 646) արշավեց ու բռնի ուժով նվաճեց Եգիպտոսի հողը³⁴։

Բալազուրին վկայում է, որ Ալեքսանդրիայի հոռոմները գրեցին Կոստանդ II-ին (Կուսթանթին), հաղորդելով, թե իրենց մոտ եղած մահմեդականների կայազորը փոքրաթիվ է և իրենք նվաստացած վիճակում են, գլխահարկ են վճարում։ Նա ուղարկեց իր մերձավորներից մեկին, որը կոչվում էր Մանուել (Մանուիլ), ռազմիկներով լցված երեք հարյուր նավերով, որոնք մտնելով Ալեքսանդրիա՝ կոտորեցին մահմեդական կայազորը։ Դա կատարվեց հիշրի 25 թ.։ Նրանց ռազմիկները դուրս եկան Ալեքսանդրիայից այն կողմ, ասպատակելով Եգիպտոսի գյուղերը։ Մահմեդական զորքը հանդիպեց նրանց ու հաղթեց, իսկ հոռոմները ապաստանեցին Ալեքսանդրիայում։ Ամրու իրն ալ-Ասը քարանձավ մեքենաներ դրեց և մահմեդականները մտան քաղաք ու կոտորեցին, գերեվարեցին, իսկ հոռոմներից ոմանք փախան Ռում (Բյուզանդիա)։ Ալլահի թշնամի Մանուելն սպանվեց³⁵։

Եգիպտոսի նվաճման մասին պատմող Իբն Աբդ ալ-Հաբամը (802—871) նշում է, որ Ալեքսանդրիայի պայմանագիրը (արաբների և Կյուրոս պատրիարքի միջև) խախտվեց և հոռոմները Մանուել ներքինու գլխավորությամբ նավերով անցան ծովը և մտան Ալեքսանդրիա ու նրանց միացան տեղի հոռոմները, իսկ Մուկաուկիսը (պատրիարքը) ոչինչ չարեց, որ պայմանագիրը խախտած չլինի։

Հոռոմներն Ալեքսանդրիայից դուրս եկան ու հասան Նիկիոս կոչված վայրը, ուր ճակատամարտ տեղի ունեցավ և Ամրու իրն ալ-Ասը հաղթեց Մանուելի զորքին, որը նահանջեց Ալեքսանդրիա։ Արաբներն ուժեղ հարձակումով գրավեցին քաղաքը, իսկ Մանուել ներքինին սպանվեց³⁶։

Թեոփանեսի և արաբ պատմիչների (Բալազուրի, Իբն Աբդ ալ-Հաբամ) տեղեկությունների մեջ չափազանցություններ կան։ Թեոփանեսն այնպես է նկարագրում, որ կարծես Մանուելը ամբողջ Եգիպտոսը նվաճել էր և արաբները եկան հարկ պահանջելու։ Բանն այն է, որ Մանուելի զորքը Ալեքսանդրիայից այն կողմ հասավ մինչև Նիկիոս և պարտվելով նահանջեց, այնպես որ արաբ հարկահանների հետ զործ ունենալ չէր կարող։ Իսկ աուգուստալիոս (Եգիպտոսի բյուզանդական կառավարիչ) տիտղոսը մնաց ձեռական։

Հավաստի չէ նաև արաբ պատմիչների այն վկայությունը, թե Մանուելն սպանվեց։ Թեոփանեսը պարզ նշում է, որ նա փրկվեց Ալեքսանդրիայում։ Բյուզանդագիտական գրականության³⁶ մեջ հիշվում է, որ Մանուելը հասավ Կոստանդնուպոլիս։

Սեբեոսը նկարագրում է մի արաբական ժովամարտ Բյուզանդիայի դեմ։ Արաբները նավատորմ կազմեցին և հասնելով Կոստանդնուպոլիս, կամեցան կռվել նրա դեմ։ Սակայն բյուզանդական նավատորմից խորտակեց արաբականը (նավերի մի մասը հրկիզվեց, մյուսը՝ փախստյան մատնվեց)³⁷։ Բանն այն է, որ ըստ բյուզանդական, արաբական և ասորական աղբյուրների այդ ժամանակ (Սեբեոսը ոչ մի տվյալ չի տալիս ժամանակը որոշելու, սակայն կարելի է ասել, որ դա մոտավորապես 650-ի ժամանակներն են ըստ Սեբեոսի շարադրանքի) Կոստանդնուպոլիսի դեմ որևէ արաբական հարձակում չի եղել։ Պետերսը գտնում է, որ Կոստանդնուպոլիս տեղանունը գրչական սխալ է և պետք է կարդալ Կոստանդիա³⁸։ Այսպես, Թեոփանեսը վկայում է, որ արաբ-

³⁴ Beladssori, p. 221.

³⁵ Ибн Абд ал-Хакам. Завоевание Египта, пер. С. Б. Певзнера. М., 1985, с. 192—194.

³⁶ Ostrogorsky. History, p. 115.

³⁷ Սեբեոս, էջ 147.

³⁸ P. Peeters, p. 410. Սեբեոս, էջ 317, ծան. 535.

չագործության 6130 (այսինքն 649) թ. Մուավիան ծովով արշավեց Կիպրոսի վրա: Նա հազար յոթ հարյուր նավ ունեւր: Գրավելով Կոստանդիան, ողջ կըղ-
հով հանդերձ, ավարտեց այն: Լսելով, որ Կակոբիզոս կուբիկուարիոսը չու-
մեական մեծաթիվ զորքով իր վրա է գալիս, նա նավարկեց Արադոսի դիմաց,
ուր խարհիսի գցելով, փորձեց գրավել կղզու Կաստելլոն ավանը, բոլոր մի-
ջոցները գործի դնելով: Սակայն արդյունքի չհասնելով հուսահատ վերա-
դարձավ Դամասկոս³⁹: Բյուզանդական մեծաթիվ զորքի գալուստը լսելով,
Մուավիայի Կիպրոսից հեռանալը և անհաջողությունը Արադոս կղզում Սեբե-
սի մոտ պատկերացված է որպես արաբների պարտություն:

Ապա Սեբեոսն անմիջապես ավելացնում է, որ Կոստանդ կայսրը անհան-
գըստանալով (զարհուրելով)՝ համենայն դեպս լավ համարեց հաշտություն
կնքել է հարկ (սակ) տալ: Նա Պրոկոպիոս հրամայեց գնալ Դամասկոս՝ Մուա-
վիայի մոտ, և հաշտություն կնքվեց, ըստ որի սահմանվեց հարկի չափը⁴⁰:

Այս մասին վկայում է նաև ասորի պատմիչ Կեղծ Դիոնիսիոս Տելլ Մա հի-
րացին: Հունաց 964 (652—653) թ. նա հիշում է. «Հաբիբը նվաճեց Միջագետ-
քը»⁴¹ և Պրոկոպիոսը եկավ հաշտություն կնքելու արաբների հետ»⁴²:

Թեոփանեսը հետևյալ ձևով է պատմում. արաբ-չագործության 6142 (651) թ.
զորքահրամանատար Բուսուրը արաբներով արշավեց ընդդեմ Իսավրիայի, Կո-
ստանդ, շատերին գերեվարեց և հինգ հազար գերիներով վերադարձավ: Կոս-
տաս կայսրը ոմն Պրոկոպիոսի հաշտություն կնքելու համար Մուավիայի մոտ
ուղարկեց: Երկու տարի ժամանակով հաշտություն կնքվեց, որի համար
Մուավիան Դամասկոսում պատանդ պահեց Թեոդորոսի որդի Գրիգորիոսին»⁴³:

Միջայել Ասորին ևս պատմում է այս դեպքերի մասին, սակայն մի քիչ
այլ ձևով (նրա աղբյուրը Թեոփանեսն է). երբ արաբները նորից պատրաստվում
էին արշավել Կոստանդնուպոլիս, Պտղոմեոսը⁴⁴ եկավ նրանց ամենամյա հողա-
հարկ խոստանալու հոռոմների երկրից, բայց երբ նրանց խաբեց, արաբները
հարձակվեցին և կողոպտեցին Իսավրիան: Պտղոմեոսը կրկին գնաց, տվեց
ոսկին և արաբների հետ զինադադար կնքեց՝ երեք տարով: Կայսրն իր եղ-
բորորդուն՝ Գրիգորիոսին ուղարկեց Մուավիայի մոտ որպես պատանդ⁴⁵:

Ուրեմն արաբներն այդ տարի իրոք նպատակ են ունեցել արշավել Կոս-
տանդնուպոլիս, որի արձագանքն է Սեբեոսի այն տեղեկությունը, թե արաբներն
արշավեցին Կոստանդնուպոլիս: Ինչ վերաբերում է Թեոփանեսի մոտ հիշված
պայմանագրի երկու տարվա ժամկետի փոխարեն Միջայել Ասորու մոտ նշված
երեք տարուն, ապա Սեբեոսի մոտ ևս կա երեք տարվա ժամկետի հիշատա-
կումը. «Արդ իբրև հոսե արքայն Իսմայելի զյաջողումն յաղթութեանս և զի
բարձաւ թագաւորութիւնն Պարսից, իբրև լցան ամբ Գ պայմանի խաղաղու-
թեանն՝ ոչ կամեցաւ այլ աւելի առնել խաղաղութիւն ընդ թագաւորին Յունաց,
այլ հրամանս ետ զաւրաց իւրոց ունել գործ պատերազմի ընդ ծով և ընդ ցա-
մաք»⁴⁶: Քիչ ստորև, արդեն պատմելով Մուավիայի այդ հարձակման մասին,
Սեբեոսը գրում է. «Եւ եղև յամին մետասաներորդի Կոստանդի լուծումն հաշ-
տութեանն՝ որ ընդ Կոստանդին և ընդ Մաւիաս իշխանն Իսմայելի: Եւ հրաման
ետ արքայն Իսմայելի ժողովել զամենայն զաւրս իւր ի կողմանս արևմտից և
ունել զգործ պատերազմի ընդ Հոռոմոց թագաւորութեանն, զի առցէն զԿոս-
տանդնուպոլիս»⁴⁷:

39 Թեոփանես, էջ 54:

40 Սեբեոս, էջ 147:

41 Համանաբար Վերին Միջագետք կամ սահմանային ամրությունների գոտի:

42 Denys de Tell Mahré, p. 8.

43 Թեոփանես, էջ 55:

44 Անհասկանալի է, թե ինչպես Պրոկոպիոսը դարձել է Պտղոմեոս:

45 Michel le Syrien, II, p. 446.

46 Սեբեոս, էջ 164:

47 Նույն տեղում, էջ 169:

Սակայն պետք է ընդունել թեոփանեսի տեղեկությունը, որ պամանադիրը Լրկու տարով էր, քանզի ինչպես կտեսնենք, արար պատմիչներ Յակուրիի և Թաբարիի մոտ Սեբեոսի հիշած արշավանքը դրված է 653 թ., այսինքն 651-ի պայմանագրից Լրկու տարի անց:

Սերեոսը վկայում է, որ Մուավիան, Կոստանդի թագավորության տասներեքերորդ տարում, այսինքն 653-ին, Ալեքսանդրիայի և այլ ծովեզրյա քաղաքների նավաշինարաններում պատրաստված 300 մեծ և 500 փոքր ռազմանավեր, բազմահզար ռազմիկներով և քարընկեց ու այլ մեքենաներով, ուղարկեց Կոստանդնուպոլիս, իսկ ինքը ցամաքի ճանապարհով հասավ Քաղկեդոն: Այս կողմերում նրան հնազանդվեց դաշտաբնակ, ծովեզրյա և լեռնաբնակ ժողովուրդը, իսկ հռոմեների զորքը փակվեց Կոստանդնուպոլսում: Արաբական նավատորմի ղեկավար Կոստանդնուպոլիս և ճակատ կազմեց հարձակման համար: Սակայն երբ արաբական նավատորմի ղեկավար ասպարեզ հեռավորության վրա էր, փոթորիկը խորտակեց արաբական նավերը⁴⁸:

Սեբեոսի այս տեղեկությունը հիմնական գծերով հաստատում են արաբ պատմիչներ խալիֆա իբն հայյաթը (IX դար), Յակուբին (IX դար) և Թաբարին (X դար): Իբն հայյաթը⁴⁹ հիշքի 32 (12 օգոստոս 652—1 օգոստոս 653) թ. տակ նշում է, որ «այդ տարում Մուավիան արշավեց նեղուցը Կոստանդնուպոլիսի կողմից»: Յակուբին նույն թվականի տակ նշում է, թե Օսման (644—656) խալիֆայի հրամանով Մուավիան ամառային արշավանք (սաիֆա) կատարեց՝ հասնելով Կոստանդնուպոլսի նեղուցը և մեծ նվաճումներ արեց⁵⁰, Թաբարին ևս վկայում է, որ նույն թվականին Մուավիան արշավեց Կոստանդնուպոլսի նեղուցը, իր հետ ունենալով կնոջը...: Ասվում է և, թե նրա հետ էր նաև քույրը⁵¹: Ակներեկոբեն այս արշավանքը կատարվել է զարնան վերջին կամ ամռան սկզբին, որպես հակահարված 652-ին Կոստանդ II-ի կողմից Հայաստան կատարված բյուզանդական արշավանքին:

Սեբեոսը նշում է արաբների մի ուրիշ արշավանք՝ արդեն խազարների դեմ, որն ինչպես կտեսնենք, կատարվել է նույն 653-ին: Նախքան արշավանքի նկարագրությունը նա պատմում է, որ Ատրպատականի տեղական իրանական բնակչությունը (մարբ) ապստամբեց Արաբական խալիֆայության դեմ՝ չդիմանալով ծանր հարկապահանջությանը: Նրանք իրենց համար թիկունք ունեին անանցանելի կիրճերով պատած էլբուրս լեռները, ուր ապրում էին Դալլամի (Դեյլամի) և Գիլանի (Գեղը, Գեղան) քաջարի լեռնականները⁵²:

Արաբ պատմիչ Բալազորին (IX դար) խոսելով Օսման (644—656) խալիֆայի իշխանության շրջանի մասին, առանց թվական հիշելու նշում է, որ Աշաաս իբն Կայս կառավարչի օրոք Ատրպատականի ժողովուրդը ապստամբեց, նա օգնություն խնդրեց և խալիֆան մեծ զորք ուղարկեց: Սակայն երկիրը չհանդարտվեց և Օսմանն ուղարկեց Սաիդ իբն ալ-Ասին, որը Քուֆայի կառավարիչն էր (փոխարքայի իրավունքներով) հիշքի 30 (650—651)—34 (654—655) թթ.: Սա հարձակվեց Մուղանի ու Գիլանի ժողովրդի վրա: Ապա նրա դեմ:

⁴⁸ Սեբեոս, էջ 169—171:

⁴⁹ Khalifa ibn Khayyat, p. 167.

⁵⁰ Yaqubi, Tarikh, Beyrouth, 1960, II, p. 169.

⁵¹ Tabari, Tarikh. Le Caire, 1963, IV, p. 334. Երբ Կիպրոս կղզին նվաճելու համար Մուավիան արտոնություն խնդրեց Օսման խալիֆայից, վերջինս թույլատրեց միայն այն պայմանով, որ կնոջն էլ հետը վերցնի: Belādsori, p. 153. Ըստ երևույթին այսպիսով երաշխավորվում էր պատասխանատվության զգացումը և զգուշությունը:

⁵² Սեբեոս, էջ 172—173: Գիլանը (Գեղան) գտնվում է Կասպից ծովի ափի դաշտային մասում, իսկ Դալլամը (Դեյլամը)՝ էլբուրս լեռների վրա և երկուսը կազմում էին մեկ քաղաքական միավոր, որը երբեք չի նվաճվել խալիֆայության կողմից և լիակատար անկախություն է վայելել, նույնիսկ ասպատակությունների կատարել խալիֆայական հողերում: Այս միավորի դոմինիոնը նպաստավոր էր Ատրպատականի ու Շիրվանի իրանական ազգաբնակչության և Հայաստանի համար՝ խալիֆայության դեմ մղված պայքարում:

հավաքվեցին Ուրմի (Ուրմիայի) և Բալվանքի շայերը և Ատրպատականի ժողովուրդը, իսկ նա ուղարկեց մի զորավարի, որը հաղթեց նրանց և նրանց պետին բռնելով խաչի վրա մահապատժի ենթարկեց Բաջարվան բերդի մոտ (վրա)⁵³։

Մեկ այլ դեպքում Բալազուրին, խոսելով Դալլամի մասին, նշում է, որ Սաիդ իբն ալ-Ասը հարձակվեց Դալլամի վրա⁵⁴ և լուծում է, որ նշանակում է, թե առաք զորավարը հաջողությամբ չունեցավ։

Խալիֆա իբն Խալլաթը հիշում է, որ հիշքի 29 թ. Ատրպատականը ապստամբեց և Սաիդ իբն ալ-Ասը, արշավելով, ձնշեց⁵⁵։ Բանն այն է, որ անմիջապես դրանից առաջ պատմիչը հիշում է ապստամբած Վրկանի հպատակեցումը և նշում, որ ասվում է նաև, թե դա կատարվել է հիշքի 30 (4 սեպտեմբերի 650—23 օգոստոսի 651) թ., այսինքն 651-ին։ Այդ հիման վրա կարող ենք ենթադրել, որ Վրկանի և Ատրպատականի հպատակեցումը ևս կատարվել է 651-ին, երբ Սաիդն արդեն Քուֆայի կառավարին էր։ Հավանաբար նույն 651-ին (կամ ավելի ուշ) կարելի է դնել նաև Սաիդի անհաջող արավանդո Դալլաս, որի մասին վկայում է Բալազուրին, մանավանդ որ ըստ Թաբարիի հիշքի 30 թ. Սաիդ իբն ալ-Ասը արշավեց Դալլամին հարևան Թաբարիստան նահանգը⁵⁶։

Այսպիսով, Սեբեոսի տեղեկությունները Ատրպատականում և Գրլան-Դալլամ նահանգում կատարված դեպքերի մասին հաստատվում են Բալազուրիի տվյալներով։

Այս ամենից անմիջապես հետո Սեբեոսն ավելացնում է, որ անհաջողությամբ մատնվելով Գիլան-Դալլամի դեմ պայքարում, արաբները գնացին Ճորա պահակ (Կապանս ճորայ) և այն կողմ անցնելով ամեն տեղ ավերեցին։ Սակայն երբ եկավ խազարաց (թեոալաց) զորքը, սաստիկ պատերազմ տեղի ունեցավ. արաբները կոտորվեցին, իսկ փրկվողները մերկ, բոբիկ, վիրավոր հասան Տիգրոնի կողմերը⁵⁷։

Թաբարին նկարագրում է, որ հիշքի 32 (12 օգոստոս 652—1 օգոստոս 653) թ. Ատրպատականում գտնվող արաբ զորքի հրամանատար, վերահիշյալ Սաիդ իբն ալ-Ասը գրեց Դարբանդի (Բաբ) հրամանատար Աբդ ալ-Ռահման իբն Ռաբիային, որ զգուշ լինի խազարների դեմ կռվելու հարցում, սակայն Աբդ ալ-Ռահմանը անզգուշորեն արշավեց դեպի Բալանջար, որը պաշարեց ու քարանետ մեքենաներ դրեց, սակայն խազարները մեծ թվով եկան և Բալանջարի բնակիչներն էլ դուրս եկան։ Պատերազմն սկսվեց և Աբդ ալ-Ռահմանն սպանվեց, իսկ արաբաց զորքը ցրվեց, մի մասն ասլաստանեց Դարբանդ, որտեղ էր Աբդ ալ-Ռահմանի եղբայր Սալմանը, իսկ մի ուրիշ մասը, փախչելով հարավ, ապաստանեց Գիլանում ու Վրկանում (Ջուրջան)⁵⁸։

Սակայն Բալազուրին⁵⁹ և Յակուբին⁶⁰ գտնում են, որ խազարների դեմ պայքարողը Սալման իբն Ռաբիան էր, որը Հայաստանի արևելյան նահանգները (Արցախ, Ուտիք, Փայտակարան), Աղվանքը (Կապադակ, Շաքե-Կամբե-ճան) և մերձկասպյան շրջանները (Շիրուան, Շապուրան, Մասքութք և այլն) նվաճելուց հետո 4 հազար ռազմիկներով բախվեց խազարաց խաբանի հետ, սակայն սպանվեց։ Այս բոլորը բնականաբար պետք է կատարվեր 654-ին, երբ Հաբիբ իբն Մասլաման միաժամանակ նվաճում էր Հայաստանը և Վիրքը,

⁵³ Beladsori, p. 328—329.

⁵⁴ Նույն տեղում, էջ 322.

⁵⁵ Khalifa ibn Khayyat, p. 163.

⁵⁶ Tabari, IV, p. 269—270.

⁵⁷ Սեբեոս, էջ 173.

⁵⁸ Tabari, IV, p. 304.

⁵⁹ Beladsori, p. 204.

⁶⁰ Yaqubi, II, p. 168.

որը հավանական չէ: Կ. Տրեվերը, հավատ ընծայելով Բալազուրիի տեղեկությաններին, գտնում է, որ Սեբեոսի տեղեկությունը (հիշած արշավանքը) սրան է վերաբերում⁶¹:

Սակայն Մ. Արտամանովը⁶² իրավացիորեն գտնում է, որ սխալվում են Բալազուրիի ու Յակուբիի և հավաստի են Թաբարիի տվյալներն ու հիշած ժամանակը, այսինքն Արդ ալ-Ռահման իբն Ռաբիան էր, որ բախվեց խազարների հետ և սպանվեց 653-ին: Ահա սրան է վերաբերում Սեբեոսի տեղեկությունը խազարների (թևտալաց) դեմ արաբների պատերազմի մասին, որը կատարվեց 653-ի դարնանը:

Սեբեոսը, խոսելով 653-ի գարնանը Կոստանդնուպոլսի դեմ կատարված արաբական արշավանքի մասին, երբ ինչպես տեսանք արաբական նավատորմի դր խորտակվեց, հիշում է, որ Քաղկեդոնից նահանջող զորքը վերադարձավ իր Լրկիորը, իսկ Կապադովկիայի (Կապուտկացվոց) կողմերում գտնվող արաբական զորքը բլուզանդական մի զորամասի հետ պատերազմելով՝ պարտվեց և Զորորոզ Հայքը կողոպտելով փախավ Արվաստան (Միգդոնիա, Մծբին):

Երբ աշունն անցավ և ձմեռը մոտ էր, արաբական մի զորամաս ներխուժեց Հայաստան և հասնելով Դվին այնտեղ հաստատվեց: Արաբները նպատակ ունեին հարձակվել Վիրքի վրա: Նրանց հրամանատարը սպառնալիքով լուր ուղարկեց Վիրք (պետք է հասկանալ՝ Վիրքում գտնվող բլուզանդական զորքերին)⁶³ պահանջելով հպատակվել կամ հեռանալ Վիրքից: Իսկ նրանք չհամաձայնեցին և պատերազմի պատրաստություն տեսան. արաբները ելան պատերազմելու և իսպառ կոտորելու: Սակայն հենց որ ճանապարհ ընկան, ցուրտը և ձյունը վրա հասան, որի հետևանքով արաբները հեռացան Ասորեստանի կողմերը՝ ոչ մի չարագործություն (անիրավություն) չկատարելով Հայաստանում⁶⁴:

Ինչպես Լրեում է, այս արշավանք-ասպատակության միակ նպատակն էր հետապնդել Վիրքում ապաստանած բլուզանդական զորքերին, որոնք 653-ի գարնանը թևողորոս Ռշտունու և նրա ստացած արաբական օգնական զորամասի կողմից հալածվել էին: Այս դեպքում պետք է ենթադրել, որ Վիրքում ապաստանած բլուզանդական զորքը Մավրիանոսի գլխավորությամբ 654-ին կրկին մտավ Հայաստան և բախվեց Հաբիբ իբն Մասլամայի զորքի հետ:

Այսպիսով, 653-ի գարնանը արաբները հարձակումներ կատարեցին Բլուզանդիայի և խազարների դեմ՝ Կոստանդ II-ի կողմից նվաճված Հայաստանը ևս կողմից արքանի մեջ առնելու նպատակով, միաժամանակ հպատակեցնելով Հայաստանին հարակից Ատրպատականի իրանական ազգաբնակչությանը (բայց ոչ Գիլան-Դալլամը): Իսկ 653-ի աշնանը Հայաստան կատարված արաբական արշավանքը առաջին ուղղակի հակահարվածն էր Բլուզանդիայի՝ Հայաստան կատարած արշավանքին:

Երբեք պատմիչներ (Սեբեոս, Թեոփանես, Բալազուրի) պատմում են Հաբիբ իբն Մասլամայի կողմից Հայաստանի նվաճվելու մասին և կան լուրջ տարբերություններ հատկապես Սեբեոսի և Բալազուրիի միջև:

Ըստ Բալազուրիի, Հաբիբ զորքը հետևյալ երթուղիով ընթացավ. Կարնոք, Մարդաղի, Խլաթ, Սիփան, Արճեշ, Ապահունիս, Արտաշատ, Դվին (Դվինի մոտ Հաբիբը բախվեց Մավրիանոսի հետ և հաղթեց), Գառնի, Աշոցք, Կոտայք, Աղատաց հովիտ (Ազատ գետի ձոր), Շիրակ, Տայք, Բագրևանդ, Նախաճավան, Սիսական, Վայոց Ձոր, Զատ ալ-Լուլում (հավանաբար Տաշիրի կողմերը) և ապա Վիրք: Նույն ժամանակ Սալման իբն Ռաբիան նվաճեց Հայաստանի արևելյան նահանգները (Արցախ, Ուտիք, Փայտակարան), Բուն Աղվան-

⁶¹ К. В. Тревер. Очерки по истории и культуре Кавказской Албании. М.—Л., 1959, с. 245.

⁶² М. Н. Артамонов. История хазар. Л., 1962, с. 177—179.

⁶³ Սեբեոս, էջ 358—359, թան. 649.

⁶⁴ Նույն տեղում, էջ 171:

քը (Կապաղակ, Շաբե-Կամբեճան) և մերձկասպյան շրջանները (հետագայում՝ Շիրվան)⁶⁵:

Սեբեոսը բոլորովին այլ երթուղի է տալիս: Արաբաց զորքը նվաճեց ամբողջ երկիրը: Նրան հպատակություն հայտնեցին Մուշեղ Մամիկոնյանը, Թեոդորոս Ռշտունին և բոլոր հայ նախարարները: Հաբիրը Արուճում, որն իր նրստավայրն էր դարձրել, մահվան դատապարտեց Արտավազդ Դիմաքսյանին, որն իր եղբոր մատնությամբ էր ընկել անողորմ դահիճ Հաբիրի ձեռքը: Հավանաբար այս Արտավազդը ապստամբություն (դիմադրություն) էր նախապատրաստել արաբների դեմ, իսկ եղբայրը դեմ լինելով դրան՝ մատնել էր:

Բագրևանդի կողմնորոշում արաբաց զորքը հանդիպեց Մավրիանոսի զորքին և վատ դրության մեջ ընկավ, նեղվում էր ձմեռային խիստ ցրտից: Չհամարձակվելով պատերազմի դուրս գալ բյուզանդացիների դեմ, Հաբիրն անցնելով գետը (Արածանի), ամրացավ Զարեհավանում և ամբողջ ձմեռն այնտեղ մնաց: Բյուզանդացիք, թողնելով արաբներին, կողոպտեցին Դվինի բերդը, ապա իջան Նախճավան՝ այն ևս կողոպտելու, սակայն չկարողացան:

Երբ գարունը բացվեց, բյուզանդացիք պատրաստվեցին պատերազմելու Զարեհավանում ամրացած արաբների դեմ, սակայն Մավրիանոսը պնդեց, որ նախ գրավեն Նախճավանը և կողոպտեն, ապա կռվեն արաբների դեմ: Երբ բյուզանդացիք կռվում էին Նախճավանի բերդի (հավանաբար հայ պաշտպանների) դեմ, արաբները հարձակվեցին ու կոտորեցին նրանց: Մավրիանոսը փախավ Վիրք:

Ապա արաբաց զորքը դիմեց արևմուտք ու հասավ Կարնո քաղաքը: Հաբիրը սկսեց հարձակումը քաղաքի դեմ, սակայն բնակիչները, չկամենալով դիմադրել, քաղաքի դռները բացեցին նրա առջև: Մտնելով քաղաք արաբներն ամեն ինչ կողոպտեցին: Դրանից հետո նրանք ավարի մատնեցին ամբողջ Հայաստանը, եկեղեցիներով հանդերձ, ինչպես նաև Սյունիքն ու Աղվանքը: Նրանք պատանդ տարան երկրի գլխավոր նախարարներին և շատերի կանանց, որդիներին ու դուստրերին:

Գնաց (կամ տարան) նաև Հայոց իշխան և սպարապետ Թեոդորոս Ռշտունին իր համագործակցությամբ և հասավ Ասորեստան (Դամասկոս), ուր օտար հողի վրա վախճանվեց մեծ քաղաքագետը և հմուտ զորավարը, իսկ նրա դին բերին ու թաղեցին հայրենի գավառում⁶⁶:

Արաբների կողմից Հայաստանի նվաճման մասին պատմում է նաև Թեոփանեսը (արարչագործության 6145, այսինքն 654 թ.). հակիրճ կերպով հիշելով Հռոդոս կղզու գրավումը, որը հայտնի է, որ կատարվել է 654-ին, ավելացնում է. «Նույն տարին արաբների զորավար Հաբիրը արշավեց Հայաստանի վրա: Հանդիպելով հռոմայեցիների զորավար Մավրիանոսին, նրան հալածական արեց մինչև Կովկասյան լեռները, իսկ երկիրն ավարտեց»⁶⁷:

Կարևոր տարբերություններ կան Սեբեոսի ու Բալագուրիի տեղեկությունների միջև արաբական զորքի առաջխաղացման երթուղիների նկարագրության մեջ: Սեբեոսի այն վկայությունը, թե արաբները նախ մխրճվեցին Հայաստանի խորքերը մինչև Արուճ և միայն մի ձմեռ անցկացնելով և բյուզանդացիներին հաղթելուց հետո գնացին ու գրավեցին Կարնո քաղաքը, գուցե բացատրենք նրանով, որ Հաբիրը կամեցավ նախ հակահարված տալ հիմնական և գլխավոր ուժին՝ բյուզանդական զորքին և ապա նվաճել լուրջ դիմադրություն ցույց տալու անկարող կամ անտրամադիր հայկական գավառները:

Բացի այդ, Սեբեոսը տարբերվում է նրանով, որ վկայում է, թե Հայաստանի նվաճումը երկու տարում կատարվեց (654—655), որը հավանական է:

⁶⁵ Beladrosi, p. 197—104. Հաբիրի արշավների մանրամասն նկարագրությունը տե՛ս Արարացի մատենագիրների Հայաստանի մասին, Թարգմ. Բ. Խալաթլանց. Վիեննա, 1919, էջ 36—49:

⁶⁶ Ս լ Բ և ո ս, էջ 173—174:

⁶⁷ Թ Ե և փ ան Ե ս, էջ 56:

Իսկ Թեոփանեսը և Բալազորին այն համարում են սեկ տարում կատարված զուգորդություն (654-ին)։ Բալազորին սանրամասն նկարագրում է Վիրքը ու Աղվանքի նվաճումը, իսկ Թեոփանեսն ակնարկում է, թե Վիրքը նվաճվեց, երբ ղորավար Մավրիանոսին Հաբիրը հալածեց մինչև Կովկասյան լեռները, իսկ Սեբեոսը հիշում է միայն, որ Հաբիրը Մավրիանոսին փախցրեց Վիրք, բայց Աղվանքի սասին նշում է. որ արաբները կողոպտեցին (ուռեսն նվաճեցին ու կողոպտեցին)։ Թեոփանեսի տեղեկությունը, թե Հաբիրը Մավրիանոսին հալածեց մինչև Կովկաս, հաստատվում է Բալազորիի այն տեղեկությամբ, որում հաղորդվում է. որ արաբները հասան մինչև Ալանաց ղռները։

Ալքի ընկնող տարբերություն է նաև այն, որ ինչքան էլ աարօրինակ է, հավաստի աղբյուր հանդիսացող հեղինակ Սեբեոսը գրում է, թե հայերը անվերսպահորեն հպատակվեցին արաբներին, մինչդեռ Բալազորին հիշում է, որ հայերի կողմից եռեռ տեղ դրսագրություն եղավ՝ Կարինում, Դվինում և Սյունիքում⁸⁸, որը, սակայն, անշվեց։ Հավանական է Բալազորիի հաղորդածը, և հենց Սեբեոսի հիշած Արտավազդ Դիմաքսյանի անորոշ միջադեպը վկայում է. որ Լեկ է դիմադրության ձգտում։ Չի կարելի մտածել, թե 652-ի պայմանագրի առկայության պայմաններում հայերը տրամադիր չէին կամ կարծում էին, թե չպետք է դիմադրել։ Չէ՞ որ արաբներն իրենց 654-ի ներխուժումով ամենակուպիտ ճևով ոտնահարել էին այդ պայմանագիրը։ Անշուշտ Լեկը են ունեցողության հակառակորդներ, սակայն դա՞ չի եղել տիրապետող մտայնությունը։

Հետ Բալազորիի Հաբիրը, ասեն անգամ պայմանագրեր կնքելով. հարել է հայերի իրավունքները և նույնիսկ երբ խաթի պատրիկը Հաբիրին բերել էր հարկը (հավտնաբար ուշացած) և ընծաներ, նա վեհանձնորեն մերժել է։ Սակայն Սերնոսն ու Թեոփանեսը շեշտում են, որ Հաբիրը և նրա զորքը կողոպտեցին ամբողջ Հայաստանը և որ նա դաժան դատաստան տեսավ Արտավազդ Դիմաքսյանի հետ, որի համար Սեբեոսը նրան «անողորմ դահիճ» է անվանում։

Սյուպիստով, ինչպես տեսնում ենք, Սեբեոսի պատմական երկը բացառիկ արժեք ունի ոչ միայն Հայաստանի, այլև հարակից երկրների և Բյուզանդիայի ու իսլամականության VII դարի մի կարևոր ժամանակահատվածի պատմության հետազոտման համար։

СОЧИНЕНИЕ СЕБЕОСА КАК ПЕРВОИСТОЧНИК ПО ИСТОРИИ БЛИЖНЕГО ВОСТОКА VII ВЕКА

Доктор ист. наук | А. Н. ТЕР-ГЕВОНДЯН |

Резюме

«История» Себеоса—исключительный по своему значению источник для истории VII века, так как в византийской и сирийской историографии этот век был почти бесплодным, а в арабской—если даже и писались труды, то их след едва заметен. В статье рассмотрены те сведения, приведенные Себеосом, которые до сих пор недостаточно освещены в исторической литературе и в исследованиях, посвященных историку. Показывается, что исторический труд Себеоса—ценный источник для освещения важного периода истории VII века (с 640-х годов до 661 года) не только Армении, но и сопредельных стран, особенно Византии и Арабского халифата.

⁸⁸ Bel'dsian, pp. 1197, 200. Արաբացի մետենագրեր, էջ 37, 43, 44.